



Broj: 01/06-05-2666-1/19  
Sarajevo, 05.03.2019. godine

**GRADSKO VIJEĆE GRADA SARAJEVA**  
N/r Igor dr. Gavrić, predsjedavajući

**PREDMET:** Odgovor na vijećničko pitanje vijećnika Tonija Vukadina

Na 26. sjednici Gradskog vijeća Grada Sarajeva, održanoj 26.03.2019. godine, gradski vijećnik Vukadin Toni, postavio je vijećničko pitanje slijedećeg sadržaja:

*"Zašto izvještaj o izvršenju Budžeta Grada Sarajeva za period 01.01.-31.12.2017. godine nije objavljen u Službenim novinama Kantona Sarajevo kako je to propisano članom 27. Odluke o izvršavanju Budžeta Grada Sarajeva za 2017. godinu ("Službene novine Kantona Sarajevo", broj 31/07)".*

**Odgovor:**

Na osnovu člana 100. stav 4. Zakona o budžetima u Federaciji Bosne i Hercegovine ("Službene novine Federacije Bosne i Hercegovine", broj 102/13, 9/14, 13/14, 8/15, 91/15 i 102/15, 104/16 i 5/18) propisano je da se: „periodični i godišnji izvještaji o izvršenju budžeta objavljuju na službenoj stranici Ministarstva finansija u roku deset dana od dana njihovog podnošenja.

Član 101. istog Zakona propisuje da se član 100. dhodno primjenjuje na kantone, gradove, općine i vanbudžetske fondove, što u slučaju primjene navedenog člana Zakona na Grad Sarajevo znači da je obaveza da se periodični i godišnji izvještaji o izvršenju budžeta objavljuju na službenoj stranici Grada Sarajeva, odnosno Gradskog vijeća, koje ujedno i usvaja te izvještaje.

U članu 27. Odluke o izvršavanju Budžeta Grada Sarajeva za 2017. godinu je navedeno:

„Budžet, Odluka o izvršavanju Budžeta, Odluka o privremenom finansiranju, kao i svaka izmjena i dopuna budžeta, te godišnji izvještaj o izvršenju budžeta i svako korištenje tekuće rezerve objavit će se u „Službenim novinama Kantona Sarajevo“ i na web stranici Grada Sarajevo“, naravno shodno primjenjujući odredbe Zakona o budžetima u Federaciji Bosne i Hercegovine, šta će se od navedenog objavit u „Službenim novinama Kantona Sarajevo“, a/i šta će se objavit na službenoj web stranici Grada Sarajevo.

Svi spomenuti dokumenti se uredno dostavljaju Kantonu Sarajevo, nakon donošenja/usvajanja, kao i Godišnji izvještaj o izvršenju budžeta (što je vidljivo iz dopisa i obrazaca za godišnji izvještaj dostavljenih Kantonu Sarajevo, koji se prilazu u materijale Gradskom vijeću Grada Sarajeva, prilikom slanja na usvajanje izvještaja o godišnjem izvršenju Budžeta Grada Sarajeva), a sve u skladu sa Zakonom o budžetima u Federaciji Bosne i Hercegovine.



Takođe, članom 29. stav 2. (Direktna primjena Zakona) Odluke o izvršenju budžeta Grada Sarajeva za 2017. godinu je propisano: „U slučaju da su odredbe drugih zakona, propisa, akata i odluka u suprotnosti sa Zakonom o budžetima Federacije Bosne i Hercegovine, direktno će se primjenjivati Zakon o budžetima Federacije Bosne i Hercegovine“.

Prepis iz Zakona o budžetima u Federaciji Bosne i Hercegovine:

#### Član 100.

Budžet, izmjene i dopune budžeta, te odluka o privremenom finansiranju objavljuje se na nivou glavne grupe u "Službenim novinama Federacije BiH" u roku deset dana od dana njihovog donošenja.

Zakon o izvršavanju budžeta objavljuje se u "Službenim novinama Federacije BiH" u roku deset dana od dana njegovog donošenja.

Svako korištenje tekuće rezerve Vlade objavljuje se u "Službenim novinama Federacije BiH" u roku deset dana od dana donošenja odluke Vlade.

Periodični i godišnji izvještaji o izvršenju budžeta objavljuju se na službenoj stranici Ministarstva finansija u roku deset dana od dana njihovog podnošenja.

Odluke o dugu i zaduživanju objavljuju se u "Službenim novinama Federacije BiH" u roku deset dana od dana njihovog donošenja.

#### Član 101.

Odredbe čl. od 89. do 100. ovog zakona shodno se primjenjuju na kantone, gradove, općine i vanbudžetske fondove.

Prepis iz Odluke o izvršavanju budžeta Grada Sarajeva za 2017. godinu:

#### Član 29.

(Direktna primjena Zakona)

- (1) Odredbe koje nisu regulisane ovom odlukom direktno se primjenjuju iz Zakona o budžetima Federacije BiH i Zakona o trezoru FBiH.
- (2) U slučaju da su odredbe drugih zakona, propisa, akata i odluka u suprotnosti sa Zakonom o budžetima Federacije Bosne i Hercegovine, direktno će se primjenjivati Zakon o budžetima Federacije Bosne i Hercegovine.

Također, moramo napomenuti da je dostavljen odgovor na ovo vijećničko pitanje istog sadržaja, postavljeno od vijećnika Tonija Vukadina, na 23. sjednici Gradskog vijeća 31.01.2019. godine (odgovor dostavljen 12.02.2019. godine)

S poštovanjem

Gradonačelnik

mr. Abdulah Skaka s.r.

Dostaviti:

- naslovu
- a/a